

德陽縣新志卷二

建置志

城池

縣之置雖始於東晉之襄陽而金湯之固勑建增補遠無可稽舊志所載止云明天順初典史朱紀正德閒知縣姚瑛相繼修葺而已兵燹之後傾圮坍塌惟存基址計丈周圍六里五分門五曰旌陽曰孝泉曰廣居曰迎恩曰接爽崇禎末毀於兵燹樓堞無存我

國朝永清大定流民復業井里邑落漸以招徠初亦未遑版築也官斯土者補苴罅漏則時有焉康熙二十五年知

德陽縣新志

卷二

城池

縣叢方涵有志營建因功鉅費繁誦於籌辦僅建南北二門城樓久亦坍塌乾隆六年知縣闕昌言又改建西門城樓南曰旌陽北曰迎恩東曰常旭西曰孝德於是規模頗具矣然其故壘蕭條隨時增築歲或不免三十二年知縣李莪乃銳意請帑承修舍其舊而新是謀昕夕胼胝閱五載工竣周圍計七里三分長一千一百八十丈八尺高一丈三尺五寸下寬一丈三尺上寬一丈一尺水洞三門四北曰承樞南曰萃景東曰惠潄西曰金成城樓各懸四字匾額嘉慶九年續坍九十餘丈知縣彭永芬補修竝重建南北城樓二十四年續坍數



十丈知縣王陞元補修道光十一年東門城樓傾圮知縣裴顯忠重修

修葺城樓記

國朝闕昌言邑令

邑之有城樓所以觀氛祲察災祥壯觀瞻也德陽城垣建在前朝傳記無考明正德閒知縣姚公瑛修葺城堞樹立城樓者五顏曰旌陽曰孝泉曰廣居曰迎恩曰接爽明末兵燹之後焚毀無存城亦傾頽倒塌我

國朝定鼎後有如臯叢公諱方涵者江左文人也來蒞茲土鼎建南北二樓叢去後亦坍塌而木之修也余庚申歲來尹茲邑遵例闔城見夫城垣坍塌南北樓亦傾斜墜

德陽縣新志

卷二

城池

二

廢非一木所能支東西樓則闕如無有存者問之老吏始述具本末及修後坍塌之故予喟然嘆興銳意修建於南北樓之缺者補之墜者葺之朽腐者更新之次及東西二樓計畫鼎新誓不派民間絲毫悉出清俸鳩工庀材不踰月而工將成適司訓周公禮駐防王君璋捕廳張君毓榮爭出資助之余固辭不受諸公固請受之隨具羊酒壺餐勞工而言於予曰公之修舉廢墜悉解私囊爲此役不旣難乎余答曰余以楚北寒儒仰沐

聖恩簡命茲土得邀俸廉雖淡泊自甘較前此諸生授徒時則過之矣今之修興廢墜樂事勸功亦其天性然也諸公



唯唯爲之色喜舉酒相屬日暮散去亦殊極一時之樂  
事云爾遂書此爲記

關隘附

鹿頭關卽漢之繇竹關今之黃許鎮也自漢迄唐皆爲要  
隘今則廢爲村墟無事戍守矣然在縣北二十三里當  
南北之衝亦稽察所不可廢也

斜灘河在縣東四十里與中江縣交界

茶店子在縣東南三十里與中江縣交界

通江鎮在縣西四十里與繇竹縣交界馬尾射水二江合  
流處

德陽縣新志

卷二

城池

三

林坎鎮在縣北三十里驛站路中與羅江縣交界以上四  
隘口雍正七年皆設鹽關乾隆元年並裁

下林坎鎮

國朝張邦伸雲谷

一辭京國邸常望碧山阿嶺外浮雲斷江頭綠樹多人  
家明似畫香稻亂如莎翹首西林路江聲出薜蘿

大漢鎮在城南二十里石亭江岸驛站路中與漢州交界  
孝泉場在縣西四十里與繇竹縣交界兩縣會哨於此卽  
蜀漢陽泉縣遺趾

柏社鎮在縣北五十五里與繇竹縣交界

新場在縣北三十里



孟家店在縣北二十里驛站路中

孟家店小憩

國朝彭端淑樂齋

雲中十八棧回望尙欷歔不歷崎嶇盡焉知平野舒故鄉遙在眼小店暫停車沽酒勞童僕艱辛半賴渠

興隆場在縣西北六十里與彰明羅江縣竹四縣交界八角井在縣南二十里與漢州交界

承平之世天下一家無所謂關隘也矧茲彈丸小邑與省會相距僅百餘里平原衍沃井里相望共俗同風哉惟是縣雒兩岸曠野荒曠與他邑接壤宵小易於竄逸亦斯民螽斯之憂守土者撫字心勞自不能不以去害

德陽縣新志

卷二 城池

四

馬者縈諸懷也爰仍舊志之目而存之道光十五年知縣裴顯忠添設卡房二座以便譏察

五塘渡在縣西南二十里與漢州金輪寺交界

兩河口在縣西北四十里與縣竹縣觀魚塘交界

場鎮附

太平寰宇記云德陽縣在漢州東北五十里依舊十五鄉蓋宋以前制如此其詳不可攷明洪武初編戶六里曰榮華曰仁義曰孝泉曰永寧曰旌陽曰市溪兵燹後亦荒廢無存我

國朝康熙中編戶六村曰縣懷村曰許村曰新村曰羅村曰



上從村曰下和村雍正八年添改東村乾隆十八年分  
縣懷爲二村從村減上字和村減下字而別設上下二  
村共十村

西路楊家場距城二十里二五八日趕集 孝泉場距  
城四十里三六九日趕集

北路黃許鎮距城二十五里二五八日趕集 略坪場  
距城五十里一四七日趕集

東南路八角井場距城二十里二五八日趕集

西北路新場距城三十里四七十日趕集 柏社鎮距  
城五十里二五八日趕集 隆興橋場距城六十里三

德陽縣新志

卷二

城池

五

六十日趕集

縣城一三五七九日趕集



公署

縣署在城北宋元以前無攷明洪武十四年知縣溫文建崇禎末年燬於兵燹

國朝順治中知縣李如樾勸建今治十八年知縣余國措修頭門儀門康熙八年知縣屠直補修十一年知縣伍約杓增修二堂三閒三十年知縣戎澄重建大堂三閒顏曰潔已奉公頭門曰旌陽舊治四十二年知縣孫復興建西書廳三閒四十七年知縣吳雙重葺大堂乾隆二年知縣李善元葺建儀門內

論

牌坊五年知縣闕昌言增修六科書吏房規模始頗備焉

德陽縣新志

卷二 公署

六

嘉慶三年知縣姜貽經以衙署年久漸就傾圯請借領養廉重加修葺十年知縣彭永芬建後書廳四閒於署右十三年知縣吳經世建竹溪荷靜之軒於署後道光十二年知縣裴顯忠增修西花廳一院共十五閒顏曰半日靜坐之齋十三年又修東書廳三閒顏曰畱香館復闢西垣外地爲射圃修屋三小楹爲歲試武童步射之所其二堂後有三堂三閒左右耳房各六閒爲內宅居室堂東爲廚房俱庳隘狹窄僅容寢處而已垣外舊有許真君廟三夢廟皆前明遺蹟餘爲蔬圃渠水繞三面環之大堂左爲旌陽驛垣東西爲倉廩頭門內東爲



蕭曹廟西爲監獄

儒學署在城南學宮側劫始無攷明季兵燹殘毀僅存基址一所

國初教官寄居民舍康熙四十四年知縣孫復興重建學宮始修明倫堂爲諸生肄業之地乾隆二年從生員江淳等請以所裁縣丞署六間分建五十一年教諭何大士改修明倫堂增葺左右學舍各五間嘉慶五年教諭王繪聲改修內室六間增修書廳三間

建置明倫堂儒學衙署記

國朝周禮教諭

從來建立學宮卽設明倫之堂而司鐸官署隨之德邑

德陽縣新志

卷二

公署

七

缺焉相沿已久今

天子御極之元年欽奉

上諭將空閒衙門許作官署欽遵通飭是

聖恩遍及周詳備美矣然以公辦公不無需費當此弊絕風清之日旣無派累里民豈能白役工匠其閒所需惟良有司是賴耳幸我旴江崔公諱浴德者署篆此邦上懷

功令下振師儒遵例陳詳將奉汰二尹遺署分移六間作寒氈官衙遂蒙各上憲批允而公乃捐俸廉相基址不日工竣又將明倫堂僻在東隅者改建於西棟宇粉飾牆垣修葺軒廠輪奐闢門鍾秀山則玉壘聳奇水則雙江映



彩是向之非官有俸錢似官無部署今得改觀矣公之竭力樂助肩任何專焉在闔邑紳士併力勩成觀感何速焉從此課藝及時師生規模秩然有序禮明樂備泮宮清署肅然可觀此邦人士忠臣孝子霞蔚雲蒸皆自此而興起矣公之分俸一舉裨益良多豈僅爲一官棲止計哉爰筆以誌勒石垂久云爾

典史署在縣署頭門東初亦寄居民舍雍正十一年建縣丞署於此乾隆元年裁典史戴嘉模請改遺署二十一年閒爲典史署五十一年典史李集雲因年久傾圮請領養廉重修嘉慶十二年典史楊淞皋改修二堂二十年

德陽縣新志

卷二

公署

八

典史王彝勳重修

把總署在縣南正街雍正十三年建大門一座廳房三間乾隆五十一年把總李廷臣重修道光四年把總張順培修

常平倉在縣署二門內大堂左右長各五間又署西五間共十五間額設斗級一名倉夫二名住倉看守每名歲支工食銀六兩共銀一十八兩

社倉舊數已廢乾隆中知縣周際虞勘明量加修葺計七村共一百九間其後分設十鄉共立社首一百一十四戶嘉慶二十五年因經理不善積弊虧累知縣于陞元



乃於署左右整飭添補共修四十二間分貯

捐建社倉引

周際虞

古者有倉有箱而無社社之義曷昉乎昔共工氏有子曰句龍能辨穀土之宜而布其利因奉以爲社其後東方生之割社肉陳平之爲社宰他如香山之洛社遠公之蓮社蓋皆萃一方之同志而結爲社義倉之名社義本諸此此蓋數千百年來行之鄉曲達於天下所以蔽風雨謹蓋藏聯同氣專責成禁宵小防侵蝕也憶余下車時除一切倉庫錢穀交代接手外按查從前德陽所積社穀約九百九十石耳竊謂卒有凶歉何以備之用

德陽縣新志

卷二

公署

九

是曾具尺疏走告邑之紳士者民率皆踴躍急公計捐穀凡一萬三千八百石議既定復環請於余曰社倉之捐旣聞命矣而所需貯穀之倉尺椽寸瓦費無自出柰若何余曰此固余向時之所籌及者也若旣欣然樂輸而更以建倉爲若累是重煩我父老也查德陽四鄉率多古剝高墻厚壁雖繚垣棘籬不足爲其堅固也且其地寬曠旁少居舍無曲突徙薪之虞因其便而更張之則事半而功倍第其閒有當量移者有當改建者有當仍其舊而稍加整葺者何謂量移如貯穀之數必視其居民之眾寡均其道里之遠近則出納之際負戴者無



轉輸之勞無守候之苦何謂改建查縣屬多係水田溝  
塍繡錯泉堰紛雜率多低淺卑濕潮氣薰蒸坐令飽粒  
圓顆紅朽而不可食何謂仍舊而稍加修葺如從前有  
倉而門壁傾欹底板剝落急爲整理俾完善如初於是  
勘明各處量加修建計縣屬七村共一百零五甲共捐  
穀一萬三千八百三十一石逐一分晰備造花戶清冊  
鈐以印信倉凡一百零九間若大若小分貯共穀一萬  
三千八百三十一石又公舉平日方正不苟及家道殷  
實者俾專司匙鑰每歲推陳納新之際當堂親自領鑰  
收放事畢仍繳於署中至吏胥人等概不得而經手焉

至於雀角鼠牙及風雨漂搖者許白官修葺於是紳士  
耆民僉曰善若夫社穀之流通無盡自隋唐宋以迄於  
今其利益於民而行之無弊者余前疏已悉言之矣茲  
何贅焉

濟倉在署西共八間嘉慶二十三年奉文勸捐買置義田  
新修以貯租穀

試院在城內北街道光十三年知縣裴顯忠捐廉倡率邑  
武生加捐布政司理問鐸宣文勅建大堂三間後房正  
偏九間東西號舍共十八間列一千二百號每號安石  
脚本面書差房廚房共四間儀門三間頭門三間東西



棚門二座照牆一座

德陽縣建修考棚碑記

國朝 裴顯忠 邑令

考棚之設何昉乎溯成周鄉舉里選州長贊鄉大夫以時賓興賢能而層累考上則先之以黨正書德行道藝族師書孝弟睦姻閭胥書敬敏任恤益人愈習則見聞確地愈近則鑒別真觀甫田詩云攸介攸止烝我髦士以此見井田之行雖耘耔黍稷閒隨處可行考校固不必專爲之所厥後選舉廢而科目興自漢至陳惟行孝廉秀才科自隋唐至元明惟行進士明經科而其出於學校郡國起於本貫官司者體例各不同迨

德陽縣新志

卷二

公署

十一

國朝沿倣前明凡省試會試廷試貢院棘闈援引俱憑故事若士子之未入學者名曰童生遇歲科兩考始從府廳州縣分第甲乙而後申於提學其提學按臨所在皆有屋宇州縣則前期官爲搭棚諸童自備棹橙擁擠擊撞流汗相屬殊堪憫焉向予攝篆郟縣曾倡捐號舍工成稱便近歲實投德陽考試人數不少於郟縣意欲創爲號舍而署無隙地自捐無力又無公項羨餘遲至經年因集邑紳耆會議願倡捐千二百金議可度地庀材勸捐集事乃計議甫定卽有邑職員鐸宣文率子姪輩呈請將北街自置房屋園地一處捐入請勘以憑改修號



舍所有地價及修造之資除官捐外其餘該需若干願獨任焉予卽詣勘房基廣狹弓尺悉符原稟足建照牆東西棚門一向頭門三間儀門五間號舍十八間列一千二百號每號安石脚木面大堂三間書房正偏九間書差房廚房四間周圍高厚牆垣約長百丈旣告竣計費工價並地價銀一萬二千七百兩除予捐銀外餘銀一萬一千五百兩悉宣文獨力捐成是役也經始於壬辰年二月落成於癸巳年三月始終經理其事者宣文之姪萬和及其甥太學生王天琳也爰將宣文姓名造冊詳請議敘佇見

恩綸登沛榮膺顯秩高封邑乘登之鄉評重之藉以勸善維風方興正未有艾吾因之有感矣夫給田贍士之禮哀庠序或如傳舍季考月書之典廢功名或出他途甚而東里決籬續之造帖弊端滋矣惟我

皇上薄海同文敷天被澤槐宮棘寺遠鑒兔葵燕麥之虛無黃

髮青衿近隆辟雍頰宮之養育而一時學臣儒吏亦或修講舍者如陽嶠起學館者如寶黃則凡海縣山州旬省歲校固莫不庇寒廣廈以游藝於春臺而猶有好行其德如宣文者鄉里而懷廊廟之憂紳佩而贊薪櫛之儀方且輸家私以急公義改民家以建官房仗銅山金



穴威光開筆陣詞場世界定知馨香鬱勃祥瑞重蒸髦  
儁聯翩必多大孝名臣輝映姜秦於斯邑又豈獨簪纓  
科田子姓蟬嫣長矜爲鼎門光寵哉予以風塵俗吏恐  
負科名淡悉士子之艱辛不忘斯文之作育念茲考棚  
捐廉自愧無多募金頗愁不易蓋與僚友躊躇者久之  
而不意其匡勳鼓舞能以一家增一邑之光使予亦與  
有榮施者茲邦尙大有人在予滋幸矣抑又聞宣文言  
將於北門公地請建演武廳以備考校宣文其真慕義  
無窮者歟抑何善舉之多多也予既允其請因慨然遐  
思謂繇雒之閒山川秀而風俗美豈更無畸人魁士恥  
德陽縣新志

卷二 公署

三

邁伯玉之獨爲君子者則德邑之文峯

聖廟尙待次第修補余又將俟來者而獎進之遂勒貞珉以爲

記

闔邑爲鐸氏捐修考棚號舍碑記 國朝 廖家驕 冀亭

天下事有力所能爲而非心之所樂爲者有力所能爲  
心所樂爲而非事之所甚切而不可不爲者惟鐸君考  
棚之建是其所樂爲而事之所甚切者矣蓋

國家取士始於縣於州於廳於府屢試而甲乙之然後申送  
學政照額擢取昭其慎也而士子之苦亦莫甚於歲科  
二試矮屋風簷不避寒暑吮墨濡毫刻晷立就然學使



按臨所在必有屋宇號座橐筆而入繳卷而出蕭然一身尚無他累惟州縣之試臨期官爲搭棚諸童自備棹几坐具先日運送奔走喧填不得休息及至出場神疲力倦又必攜之以出擁擠顛踣彼此擊撞流汗相屬其苦更有甚者德邑家絃戶誦應試人數逾千卽觀風考課亦至三數百人邑侯裴明府初下車時卽有意於修建考棚而阻於經費乃捐廉倡捐謀之紳耆議爲勸捐之計邑紳鐸君宣文者邑之著姓也以爲眾志難諧不如獨力易舉遂慨然以捐修自任以舊所自買北街店地九畝有奇爲之基其地近於官署面市背郭最爲安

便其有他姓犬牙相錯者皆以善價買入使之均齊方正卽日庀材鳩工土木金石備舉而鐸君綜理密緻材必堅良苦窳者去之功必精切濫竽者去之躬率子弟昕夕監視時其勤苦而犒勞之工以益勸經始於壬辰年之二月落成於癸巳年之三月年餘而工竣繚以崇墉屹然高峻內外聲息不通門庭堂皇高明顯敞瓦屋鱗次翬飛而鳥革也廊廡號座洞達光明蜂房櫛比鷺序而鴛行也其內則衡文有所寢息有所儻從書役栖寓有所偃溷庖廚以及溷園之所皆備約費萬有餘緡鐸君可謂竭盡心力矣夫恒人之情置田宅營屋宇所



以自爲計者殫竭財力有語以濟人利物之事則漫然不之應此力所能爲而非心之所樂爲者至于創建琳宮梵宇及其他神祠捐金輸財慳囊共解而于裨益地方之事反置之不問此力所能爲心所樂爲而非事之所甚切而不可不爲者惟茲考棚號舍之建能使闔邑之士永叨庇蔭於以嘉惠士林興起文學此賢哲之用心而非有所爲而爲之者將來人文蔚起以文章爲華國之選者悉於是乎出而鐸君之後其必世有達人以增

邦家之光者是亦理之所可信也因公爲勒石以記之以垂諸

將來云道光十三年仲冬月立

德陽縣新志

卷二

公署

五

監獄在縣署頭門內之右男監三間女監一間廚房三間四周皆有峻牆又外監三間額設禁卒十二名更夫十名檢視獄囚防範守護每名歲支工食銀六兩共銀一百三十二兩

校場在北門外道光十五年邑武生鐸萬和建修演武廳三間後廳廂房共五間照牆旗臺各一座

西校場舊設在城西今廢爲米市壩

火藥局舊在署西久圯

陰陽學無常所

醫學無常所



僧會現住高東寺  
道會現住城隍廟

申明亭有二一在北街公館前一在縣署頭門右

行臺公館在城內北街試院之左乾隆七年知縣闕昌言  
勅建分大小二院三十五年知縣李莪重修道光五年  
知縣王陞元增修道光十六年知縣裴顯忠補修

### 修建公館記

闕昌言

余庚申春蒞德邑見衙前正街敝屋三楹彫落不扃環  
地五六畝荆棘榛蕪不治詢之吏民僉曰此官店也係  
七里公地曩昔差務辦於斯皇華使人信宿於斯各里

德陽縣新志

卷二

公署

三

應差之民奔走供億於斯甫聞差信至急集薪米禽雛  
各物差一不至則委棄之矣再不至則又委棄之矣三  
不至則更委棄之矣費繁用奢小民猶有及見之者一  
自養廉歸於公差務辦於公兆姓宴然各歸井里此皆  
上憲稔悉民情嘉惠元元所致以故昔之爲里民者難  
今之爲里民者易昔之爲官吏者逸今之爲官吏者勞  
余聞之喟然有感曰此各上憲搏節愛養之政也與其  
難在下也毋寧難在上與其勞在民也毋寧勞在官易  
曰自上下下其道大光又曰損上益下民悅無疆不信  
然哉夫德邑路當孔道皇華使人絡繹相望悉貫民店



作公館湫隘塵囂不成體制予於壬戌秋遂銳意鼎建館舍誓不取里下分毫申請於上憲皆報曰可遂捐囊中清俸鳩工庀材爰因舊官基修葺舊廨三楹新建正公廨三楹門屋七楹廂房十二間庖廩有次廩牧有所不踰月而告成於是合邑士民咸悅余之慨然鼎修不私派不累民也工竣時分爲二宅左作公館右作官店擇街民之純良者俾令居住信宿行人諭免輸租但令照理官廨時爲綢繆之計是役也一時作之永世賴之勞在前人逸在後人惟冀嗣蒞斯土者時時修補毋墜前修爲幸用鐫於石以告後之諸同人焉耳

養濟院有三所男院在城內米市壩共瓦屋十四間茅屋四間樓門一座女院在城內桐花巷龍神廟左道光五年知縣王陞元建共瓦屋十五間收養孤貧男婦丁口共八十一名內領全分口糧二十四名每名每月給口糧錢五百文領半分口糧五十七名每名每月給口糧錢二百五十文道光十五年邑人朱啓廉增修新院一所瓦屋十間在西街添養孤貧男婦丁口二十名每名每月照半分口糧給領按縣之有養濟院自乾隆二十四五年邑令周際虞始原址在城南官基正屋廂房樓門皆備不知何時移修米市壩人無有能言者矣附



錄原記於後

捐修養濟院碑記

周際虞

余家豐潤距京師約三百餘里憶余爲諸生時數往來都中見養濟院育嬰堂畱養局所在星羅碁布至每歲冬春之間復於五城司坊處所設立粥廠委員監賑務使窮民均沾實惠乃嘆大哉

皇仁恩同造化真不啻起死人而肉白骨也抑嘗謂范文正公爲布衣時便欲濟天下人此等作用是吾儒真實學問不比浮屠給孤祇園沾沾施捨侈言恒河沙佈金也故讀其書未始不心慕其人嗣余以需次選人來任蜀之

德陽縣新志

卷二

公署

六

德陽德陽接壤西川素稱沃野較之他省無蝗蝻之害少旱澇之憂所云飢不擇藜藿貧不厭糟糠者無聞焉乃年來人烟輻輳生齒侵蕃凡谷窪山巖類皆墾闢而各省之流寓者率視爲樂土挈妻攜子絡繹不絕瞬至物力漸絀食指維艱甚有貧不能自存者聽其索飯怒號淒風飲泣此亦司民牧者所不忍聞也余竊有意創立養濟院以存活之適以書院甫建度力縣不能支亦付之慨息而已先是北關外有官荒河壩地一段爲江西客民與七村互控經前宮保制憲黃批委詳斷以其半歸儒學及文昌宮尙餘地約二百餘畝招人耕佃計



可得租息銀二十餘兩而開墾成熟量可酌加竊意以此項作每年養濟院之需差可敷用而構屋鳩材費無從出適奉憲檄凡偏僻小廟久經傾圮及無人看守不載祀典者量行折毀余不禁拊髀稱快謂可湊我修建具也于是卽其材輦至城南官基建立正屋五間廂房六間門樓一座週以圍牆因爲環請各上憲均報曰可計始事以迄落成曾不越月而工竣而官荒地租之不足者復傳諭諸利率皆踴躍樂輸爲酌定成數計每年得穀五十石現今居其中者有更生之慶焉昔歐陽子有云吏越其封郡逾其境以區區之惠誠不能偏及如

德陽縣新志

卷二

公署

十九

范希文之能濟天下人然平日自問父母斯民乃於己子則飲食教誨期其成立而於百姓之困窮縱不至秦越異視而曰我將有待否則牽延不決豈知官如傳舍吏若奕棋今日東西明日南北往往有終任而不能行一事者豈不惜哉用書顛末于石以告後之仁人且以告我百姓也

驛遞

附

彈丸小邑路當衝要北上京師南通省會皇華之使臣共球之君長道必由之我

國家立制纖悉具備凡夫馬芻茭器用絲毫不以擾民所有



添設撥濟裁撤莫不成宜其接遞文報亦只南北兩路設舖司六所每舖額設舖司兵四名共二十四名每月給工食銀五錢共一百四十四兩遇閏加增

旌陽驛在縣署東南至成都府屬之漢州廣漢驛計程五十里至交界二十一里北至直隸綿州屬之羅江縣萬安驛計程六十里至交界三十二里康熙二十九年設站馬貳拾匹四十七年增馬伍匹五十年增馬伍匹共站馬參拾匹每匹日給草料銀陸分扣除小建歲共支銀陸百參拾柒兩貳錢遇閏加增內雍正六年奉文撥濟南路化林坪站馬貳匹歲計草料銀肆拾貳兩肆錢

捌分遇閏加增按年批解建昌道衙門給發原設馬夫拾肆名康熙五十七年添設一名共馬夫壹拾伍名每名日給工食銀肆分捌釐扣除小建歲共支銀貳百伍拾肆兩捌錢捌分遇閏加增內有雍正六年撥濟南路化林坪馬夫壹名歲計工食銀拾陸兩玖錢玖分貳釐遇閏加增按年批解建昌道衙門給發原設槓夫參拾名乾隆三年裁撤拾名實貳拾名每名日給工食銀貳分扣除小建歲共支銀壹百肆拾壹兩陸錢遇閏加增嘉慶十七年撥濟羅江縣槓夫四名扣除小建歲共支銀貳拾捌兩參錢貳分遇閏加增按年於地丁內存留



移解羅江縣支給仍照本縣原額報銷買補倒斃馬九匹發銀捌兩歲支馬價銀柒拾貳兩內應解化林坪肆兩肆錢貳分捌釐解赴建昌道衙門給發又倒馬皮臙九副每副變價伍錢共銀肆兩伍錢截扣草乾二十七日扣銀壹兩陸錢貳分二共銀陸兩壹錢貳分按年批解按察司庫收貯撥支添修棚廠槽鏹每馬一匹歲支銀壹兩肆錢貳分共銀肆拾貳兩陸錢以上共銀壹千壹百肆拾捌兩貳錢捌分於地丁項下存留支發按年造冊報銷外有廩給口糧銀叁十兩餉鞘夫價銀貳拾肆兩按年支用報銷

竹林舖在縣南十里

大漢鎮在縣南二十里至石亭江心一里與漢州交界距

漢州三十里

牛耳舖在縣北十里

孟家店在縣北二十里

林坎鎮在縣北三十里至廣濟橋五里與羅江縣交界距

羅江縣二十里

茶店子在縣東四十里與中江縣交界

孝泉場在縣西四十里與縣竹縣交界

縣境惟南北爲通衢每舖額設舖司四名其東西兩路



未設舖司東接中江由漢州轉遞西接絲竹由羅江縣  
轉遞

德陽縣新志

卷二

公署

三

